

「國家社會科學基金重大項目」

何建明

主編

中國地方志
佛道教文獻匯纂

人物卷

(121)



國家圖書館出版社

【國家社會科學基金重大項目（11&ZD119）】

中國人民大學佛教與宗教學理論研究所

何建明 主編

中國地方志
佛道教文獻匯纂

人物卷

（ 121 ）



國家圖書館出版社

中國地方志佛道教文獻匯纂·人物卷
貴州省 貴陽市

貴陽府志

清·周作楫修 蕭琯等纂

清道光二十六年（一八四六）修

咸豐二年（一八五二）朱德璣綬堂刻本

明方技傳第十五

史有方技傳或曰藝術傳舉凡神仙浮屠之教星厯醫卜之業書法畫繪之能日者星命之流下及圍棋格五之屬莫不兼賅魏書別出釋老志沉史別爲釋老傳迨至明史又復仍舊近代爲方志者類有方技方外兩篇今以二者古原同科又爲事無多不能別出故合爲一篇云

林 昉

劉德明

張道人

夏孟昌

僧南宗

僧微空

僧興宗

簪笠僧

僧法印

僧白雲

僧如登

僧寂明

僧碎塵

僧語松

韓野雲

孔海雲

東華道人

林春其先本錢塘人父文中承樂中以道術徵尋坐
事謫戍貴州衛遂爲貴州人春性敏悟嘗受道術於
真人周思德盡得其要妙祈禱無不立應卒年九十
二子宣工直行書筆力甚勁可觀

劉明德貴陽人少遇異人授以五雷法能呼召風雨
役使鬼神凡所祈禳驅逐皆有驗

張道人佚其名貴陽人自幼不娶妻得祈雨秘術萬
厯中貴州大旱巡撫郭子章召之令求雨道人築壇
於城西縞衣披髮作運五雷訣刻期次日日中雨至
至期天無纖雲人皆笑之道人書符於童子掌握之
令詣貴陽知府所請迎雨童子至府堂上開掌雷聲
大作知府訝之卽遣人詣壇未刊而雨大澍
夏孟昌廣順州人素有道行金筑司土官金振武赴
京遇張真人問曰夏孟昌好否昔年晤我於南天門
外今有一笏爲我致之

僧南宗長沙沙門也洪武間遊貴州衛募建大興寺

推演內教化其教者極多示寂茶毘得舍利子

僧徹空四川沙門也正統間嘗住貴州潮音寺機鋒
警敏能爲詩來清俊可喜後復歸四川及示寂宣偈
惟以正宗風爲要蓋深於曇教者

僧興宗大理人成化中住持貴州永祥寺誦法華經
每字一拜一擊板歲久木爲之穿人呼爲拜經和尚
住寺四十年未嘗他出鎮守太監鄭忠爲之建寺請
額年七十預示寂期及期鳴鼓告衆端坐而化

箬笠僧不知何許人成化中戴一巨笠至貴州住大
興寺郡人羅玉讀書寺中僧告玉曰子勤苦如是而

無貲費我可少助汝乃取銅鉛雜置鑪中頃刻化為銀舉以贈王王喜欲傳其術僧不肯曰此不足學徒敗爾業語畢遂振錫而去

僧法印字祖融渝州人七歲出家於貴州大興寺萬曆中遍參天童密雲蓮池憨山諸尊宿得其宗旨後詣京師請藏經遇光祿卿趙健於長安門握手談宗旨不覺闌入禁城爲緹綺所執下詔獄慈聖太后聞而釋之賜紫衣金佛玉鑪並令詞臣書大興慈聖禪林額出全藏佛經賜之使歸黔一日聞汲水聲得悟年八十七

僧白雲大理人戒行精嚴杖錫幾遍天下萬曆八年
至新添陽寶山探幽採勝欲窮挾峒壑山故多虎主
僧此之弗聽裏糧遍歷峒壑中凡八日方出時方大
雪白雲所止常有鹿臥其地雪亦弗及虎亦絕不復
來王僧異焉誓復來必爲建叢林十年後果來建千
佛閣備極精巧前後樓數十楹飛甍建甍巍然成巨
觀爲黔中名刹刹成復去至今遺像猶存推官陳衷
葵匾其林曰白雲常在

僧如登四川人萬曆二十六年遊貴州閱藏經於大
興寺旣精三乘復解六書著轉識論

僧寂明白雲弟子也居新添城古寺中戒行不減於
師天啟中安氏圍新添城徒衆咸逃散寂明不去賊
入寺寂明曉之以義賊咸俯首不敢加害年七十無
疾而終

僧碎塵不知何處人嘗卓錫貴陽青巖谷精衆觀音
寺確守戒律不妄接人工詩古淡有世外風

僧語松四川巴縣人少充縣役尋棄家爲僧戒律精
嚴至敷勇衛西望山開堂說法遂駐錫焉明季士大
夫多與之遊後化於浙江天童山徒衆昇其觀而歸
葬於西望山之鳳凰池巡撫錢邦芑爲作塋銘學士

貴陽府志 卷之七
方密之序其語錄行世

韓野雲不知何許人萬厯中止大道觀能知人隱善
飲不醉盡數斗則運於周身骨節珊然旋復就飲人
或携酒求飲每於袖中出肴核以佐之客無多少無
不遍者恒携一鐵笛飲罷卽吹之響徹雲表郡人程
之弼楊師時輩咸與之遊後不知所往

孔海雲未詳所自來崇禎十二年至貴陽形貌清古
耳帖至背寡言靜恒數日不食能知未來每以隱語
寓意其贈貴陽章爾瑜詩云萬古青青不了山水流
東去癸年墟世人盡向忙中過洞裏誰知日月閒莫

解其意後爾掄以壬子年卒人始服其前知吳子騏
延至其家出諸子見之指其中子中蕃曰乞此卽巾
一幅他無所言後子騏舉家遇難惟中蕃存

東華道人睢州人隱姓名遊貴州青巖諸山蓬頭跣
足雖隆冬惟衣一單衣晝夜危坐不寐不飲不食囊
中惟盛烏梅數枚時取嚙之謂之梅子金丹育多詠
語人間修養術輒云無他奇不必學也惡之則曰爾
輩尙未能舍家室何言仙道歲餘去之我眉山

論曰有明一代貴陽之能解推步善醫卜書畫者多
不傳傳者惟巫僧道三者而已上古之巫解陰陽通

造化故重殷尚鬼巫猶不輕至周而巫輕矣黃老以清靜爲業佛法以空寂爲宗然尚有治心祛煩之說乃末世之精二教者率以能作怪巧驅使鬼神相矜尙與小巫曷異乎林劉張夏猶是怪誕之習也其餘諸僧道來自佗邦就其中有一二能知解禪者爲世所稱亦記之僧道但取駐地爲斷不論貫籍者方志之通例蓋亦出於佛圖澄鳩摩羅什之載晉書也

方技傳第三十六

狄文彩

黃安泰

羅萬福

馬洞仙

釋道領

瞿脉

方技傳

狄文彩貴筑人年十二喪父事母黨氏孝謹家貧廢學而習醫業精太素脉識平人生死延者雖卑賤中

夜必往日所診夜歸必記於冊以驗病之增減藥之調劑久之漸有餘積好施予見人婚葬事不能舉者必視其力助之每歲除輒以銀三錢或五六錢作小封潛遺諸窘者之門不令之知而自食貧甘淡以此終其身著有狄氏醫案狄氏醫傳摘要經驗幼科圖註脉訣等書存於家

黃安泰其先醴陵人安泰父連裳始徙貴筑安泰好學通醫術於靈樞素問中藏甲乙諸經金匱傷寒病源諸論罔不貫究又喜尺牘府州長官多聘爲記室嘗以其術治病無不立效嘗作壽身小補十卷其自

貴陽府志

卷之十二

序云岐伯云上工救病於萌芽下工救其已成救其已敗古之所謂下工今皆可謂上工矣其言痛中時醫之弊始深思有得之書非尋常鈔錄醫方者可比道光中卒於京邸子政鈞道光十四年舉人候補州同慶鈞候選府經歷象鈞道光二十年舉人充宗室教習

羅萬福廣順州人以畫名精山水論者以爲得雲林風味性傲岸心所不悅雖顯貴揮之不爲握管聞雲南多奇山水往訪之遂卒焉

馬洞仙不知何許人嘗遊廣順與潘清逸善衣藍縷

如丐嘗居不潔之處人皆嫌遠之嘗作湯醫小兒立
愈一日卧馬洞絕壁藤蘿中見者駭異因呼爲馬洞
仙久之不知所在

釋道領字赤松潼川韓氏子生而好佛不苟葷不飲
酒明末避難於貴州父母爲之議婚就儒業皆不願
厭家居潛入深山草衣木食父母尋得之返家終不
茹葷飲酒久之父兄乃聽令出家初事靈藥轉事西
識往叅九峯於雲南之五華九峯曰年幼之人何求
道領曰爲生死事大是以請師教示久之不悟精進
三月一夜恍然入定身心兩忘如明月當空萬里無

覺陽存志
卷八十七
傳十

耆舊傳七

二十七